

## UPUTSTVO

### **O PRAVU NA KORIŠTENJE, SADRŽAJU, VRSTI, BOJI, SIROVINSKOM SASTAVU, NAČINU UPOTREBE, KAO I KOLIČINI I DUŽINI TRAJANJA ODJEĆE, OBUĆE I SPORTSKE OPREME ZA PRITVORENA LICA U ZAVODIMA ZA IZVRŠENJE KRIVIČNIH SANKCIJA, PRITVORA I DRUGIH MJERA BiH**

#### I. OPĆE ODREDBE

1. Ovim Uputstvom se bliže određuje i uređuje pravo na korištenje, sadržaj, vrsta, boja, količina i dužina trajanja odjeće, obuće i sportske opreme za pritvorena lica u zavodima za izvršenje krivičnih sankcija, pritvora i drugih mjera BiH.

#### II. PRAVO I OBAVEZE KORISNIKA LIČNIH I ZAŠTITNIH SREDSTAVA I OPREME

2. Pravo za nabavku i korištenje odjeće, obuće i sportske opreme pripada pritvoreniku koji nema novčanih sredstava, nema svoju odjeću, obuću i sportsku opremu ili ne želi da nosi vlastitu u zavodima za izvršenje krivičnih sankcija, pritvora i drugih mjera BiH.

3. Pritvorenik je dužan nabavljenu odjeću, obuću i sportsku opremu čuvati i uredno održavati. Namjerno uništenu odjeću, obuću i sportsku opremu pritvorenik je dužan nadoknaditi.

#### III. VRSTA I KOLIČINA ODJEĆE, OBUĆE I SPORTSKE OPREME PRITVORENIKA

4. Odjeća, obuća i sportska oprema pritvorenika se sastoji od:

- zimska jakna - 1 kom.
- odijelo za žene i muškarce - 1 kom.
- pantalone - 1 kom.
- suknja - 1 kom.
- košulja dugih rukava - 2 kom.
- košulja (kratki rukav) - 2 kom.
- čarape - 5 pari
- cipele - 1 par
- ženske čizme - 1 par
- papuče - 1 par
- rublje - 3 kompleta
- trenerka - 1 kom.
- majica atletska (sportska) - 1 kom.
- majica sportska (dugi rukav) - 1 kom.
- zimske sportske čarape - 2 para
- ljetne sportske čarape - 3 para
- šorts muški i ženski - 1 kom.
- sportske plitke patike - 1 par.

#### IV. IZGLED, BOJA, SIROVINSKI SASTAV, NAČIN UPOTREBE I ROKOVI ČUVANJA

5. Odjeća, obuća i sportska oprema pritvorenika su određeni prema vrsti, izgledu, boji i sirovinskom sastavu:

a) Zimska jakna je uobičajenog kroja, dužine do iznad koljena i izrađena od nepromoćivog materijala. Podstavljena je štepanom podstavom, pojačana vatelinom. Zakopčava se sa četiri dugmeta prečnika 22 mm, na prednjici su dva donja dupla džepa sa poklopcem.

b) Odijelo je uobičajenog kroja, izrađeno od minimalno 60% poliestera i maksimalno 40% viskoze. Na prednjici sakoa se nalaze džepovi sa vanjske strane na donjem dijelu, a sa lijeve unutrašnje strane jedan džep u

gornjem dijelu. Reveri sakoa su srednje širine, na krajevima šiljati. Pantalone odijela su istog kroja i izgleda kao i pantalone pod c) i iste se mogu kombinovati sa sakoom.

Odijelo za pritvorenike ženskog spola je istog kroja kao za muškarce, ali se prilikom izrade podešava anatomskoj građi žene i uobičajenom načinu kopčanja. Pritvoreniku ženskog spola daje se pravo kombinovanja sako - pantalone ili sako - suknja.

c) Pantalone su uobičajenog kroja, sa dvije strane imaju kose džepove, nogavice su bez manžetni i na donjem kraju su široke 22-25 cm.

d) Suknja je standardnog kroja. Na sredini donjeg dijela nalazi se polufaltna dužine 350-400mm. Na lijevoj strani u pojasu suknja se pričvršćuje kopčom i patent zatvaračem. Podstavljena je podstavom od odgovarajućeg materijala i boje. Dužina suknje je do sredine listova noge.

e) Košulja dugog i kratkog rukava je uobičajenog kroja i oblika i izrađena je od minimalno 60% pamuka i maksimalno 40 % poliester. Na prednjoj lijevoj strani se nalazi džep, kopča se dugmadima i rukavi se završavaju manžetnama.

f) Cipele su uobičajenog kroja, izrađene su od prirodne kože sa lijepljenim rebrastim gumenim đonom, bez ukrasa i bez vezivanja - na preklop.

g) Ženske čizme se izrađuju od prirodne kože, podstavljene su i imaju petu od 45mm. Sare dopiru do polovine listova noge. Kopčaju se rajsfešlusom.

h) Papuče su uobičajenog kroja, izrađene od prirodne kože.

i) Rublje se sastoji od: potkošulje s rukavima i bez rukava, dugih i kratkih gaća, pidžame, kombinezona i grudnjaka. Izrađeno je od 100% pamuka i uobičajenog je kroja.

j) Trenerka se sastoji od gornjeg i donjeg dijela uobičajenog kroja i odgovara sirovinskom sastavu 50% pamuka i 50% mikrofibera.

k) Majica (sportska i atletska) kao i šorts (muški i ženski) su sirovinskog sastava 100% poliester.

l) Sportske čarape (zimске i ljetne) su sirovinskog sastava 30% pamuka i 70% sintetike.

lj) Sportske plitke patike su uobičajnog kroja, izrađene su u kombinaciji kože i platna bez ukrasa i vezivanja, kopčaju se na preklop.

6. Pritvorenici su dužni čuvati zaduženu odjeću, obuću i sportsku opremu i istu poslije isticanja pritvora predati nadležnom licu zavoda.

Određuje se korištenje odijela samo u slučajevima kretanja pritvorenika izvan zavoda i kod prijema posjeta.

Sportska oprema se koristiti za sportske aktivnosti pritvorenih lica.

Boja odjeće i sportske opreme može biti u nijansama plave, zelene, bijele i smeđe boje.

7. Za odjeću i obuću određuju se slijedeći rokovi trajanja:

1. Zimska jakna - 48 mjeseci
2. Odijelo - 36 mjeseci
3. Pantalone - 18 mjeseci

4. Suknja - 18 mjeseci
5. Košulja dugih rukava - 12 mjeseci
6. Košulja (kratki rukav) - 12 mjeseci
7. Cipele - 12 mjeseci
8. Ženske čizme - 24 mjeseca
9. Papuče - 12 mjeseci
10. Rublje - 6 mjeseci
11. Sportska oprema - 12 mjeseci.

#### **V. PRIJELAZNE I ZAVRŠNE ODREDBE**

8. Ovo Uputstvo stupa na snagu danom donošenja, a objavit će se u "Službenom glasniku BiH".